

裴子言醫

裴子言醫卷之二

鹽官裴一中著

男裴翰健飛 較正

同邑吳蕃昌閱

孫 晉颺接三訂

何柏齋先生水腫論曰造化生物水火而已矣不可使之偏勝太早物不生火偏盛也太滯物亦不生水偏盛也水火和平則物生矣人之飲食運化於脾胃實繇水火二氣非脾胃所能也火盛則脾胃燥水盛則脾胃濕皆不能化物水腫之病蓋繇水盛而火不能化也火衰則不能化水故水之入于

脾胃皆滲入血脈皮肉而爲腫此自然之理也導其水水氣少減復補其火使二氣和平則病去矣余每讀此論未嘗不嘆何先生之窮理也而又未嘗不歎何先生之不甚窮理也何也造化生物之水火與脾胃運化之水火是人與物所自有也非外來者也早滂之水火與作腫作燥之水火非人與物所自有也是外來者也外來者可見之水火也養人物者也自有者不可見之水火也生人物者也先生之所謂水腫之水乃可見之水也邪水

道假口于
婁子乎

邪止之誤
邪如日月
之明

也所謂火衰之火乃不可見之火也真火也真火
邪水絕非對體之物先生以之對待而言將認水
腫之水爲真水乎邪水乎將認火衰之火爲邪火
乎真火乎抑認作腫作燥之水火卽脾胃運化之
水火乎非脾胃運化之水火乎邪正罔明客主無
辨先生不認賊爲子必認子爲賊矣嗚呼先生胡
爲作此論也以昔人治水有補火之一說爾不思
補火之說卽虛則補母之說也其意蓋曰木腫之
病繇脾虛不能運化脾虛不能運化繇火衰不能

明補火之
本旨

辨詞理之
未安

生土法當補真火于脾土之中。則土旺而水有所
畏。不爲腫矣。是知補火者。補火以生土也。非補火
以勝水也。先生乃謂火衰則不能化水。水氣少減
復補其火。使二氣和平。則病去。豈理也哉。余敢以
火衰則下添入脾虛兩字。使二氣和平五字直刪
去。于義始圓。爾雖然。治水亦不一法矣。有補脾而
愈者。有瀉氣而愈者。有針刺而愈者。有祛風清熱
毒而愈者。有開鬼門潔淨府而愈者。有解瘡瘍逐
痰飲消陳積與行瘀血而愈者。豈補火一說足盡。

計治列之
列執

法之變乎。既云補火，則熱藥矣。熱藥則附子、肉桂、乾薑矣。設遇乾咳吐血、聲啞咽疼、骨蒸盜汗，與夫鬱熱內實之人，而兼水腫之病，豈可遽執補火一說，而以熱藥投乎？又豈補脾瀉氣、針刺祛風、清熱諸法，可悉置勿問乎？執其一廢其百，吾知其誤人也。多矣。王宇泰謂先生醫學未精，論水火則從所未發。噫，柏齋先生，儒者也，雖不精醫，安足病宇泰先生儒而精醫者，也不克補偏救弊，而猶深取其說，誠可惜也。夫誠可惜也。夫。

世風之衰
天乎人也

四十年前之人，雖多服久服，當歸地黃門冬知母等
濕潤之藥，不見有傷脾之患。今時之人，則不必多
服久服，而食減胸膨，肌浮腸滑之証，旋接踵焉。噫
嘻，是豈養血滋陰之法，僅可行于四十年前，而
不可行于四十年之後邪？非也。世風衰而真元薄
也。雞豚牛羊之餘食，蔬者有幾，瓜梨橘藕之餘食，
粟者有幾，醇漿乳酪之餘食，羹者有幾，其助則姜
桂椒藟，其和則油鹽醯醬，嘗而煎炒燒炙，異而脯
腊膾糝，醉酢蒸酥，與凡百巧爲滋味，以佐長夜之

中言深中
謂之心裏
紅潤與挽
其憂止
疾病而已
邪

豪觴富貴之家斯已濫矣。市井之輩靡有止焉。且
也。義命之理茫然。怨慕之心橫起。趨利趨名。視昔
孰冷而孰熱。患得患失。視昔孰淡而孰濃。世故紛
撓。晨昏競出。酬應之間。視昔孰勞而孰逸。至有素
風爲囑。恬退自公之人。則又世網彌天。人情叵測。
而憂思驚怖之懷。更不知其孰多而孰少也。如是
而欲求脾胃元氣之不薄于今日。則夏夏乎難之
矣。而謂當靖地黃門冬。知母等濕潤之藥。可恣投
而勿顧乎。

此附不可

其所以能
乾乾不息
者果何物
乎

古何謂
為都市都
市者四方
商賈之所
出焉是故
是火市也

或曰養血滋陰之藥世皆用之以補虛勞不足者也
予且謂有傷脾之患而大補脾丸中反多耗氣之
藥則何如曰此深有當乎脾胃元氣本然之妙而
人不知也夫脾胃元氣本然之妙乾乾不息者也
晝夜循環于藏府肢骸官竅間若天行之健而未
始或停也丹谿所謂脾具坤靜之德而有乾健之
運是也故此方雖用人參白朮補氣為君而又以
滲濕消痰之茯苓半夏為臣更以開滯疏壅之枳
實山查陳皮厚朴木香砂仁黃連神麴芽穀為佐

必旋來旋
 去旋聚旋
 散乃為天
 下生化之
 源若來而
 不去聚而
 不散何生
 化之有此
 方如合此
 藥亦須得
 加減法滋
 陰加蒼朮
 健脾加當
 歸有寒去
 黃連加苦
 甘乾黃連
 無倫

使名為大補而實無有所謂大補之藥唯使腸胃
 通調胸膈和利能飲能啖不失其嘗降濁升清時
 靡有間旋推以陳旋致以新助彼乾乾不息之妙
 而已矣雖無所謂大補之藥而大補之理實具焉
 以故每施脾胃氣衰之人為脹為腫為痞為痰為
 久瘧久痢與高年百損產後諸虛而不克加餐等
 病屢獲奇效不然則山查枳實厚朴陳皮等藥耗
 元氣者也曷有補于人哉
 夫既曰為脹為腫為痞為痰為瘧為痢為高年百損

此詞又不
可少

與產後諸虛是不一其病矣、不一其病、則亦當不
一其治、子乃以一大補脾丸而通治之、抑又何也、
曰、天下事從綱則簡而易得、從目則積而難求、理
之必然也、不善爲治者、從病之目、從目則脹、以脹
治腫、以腫治痞、以痞治痰、以痰治瘧、痢以瘧痢治
高年與產後、亦以高年產後治、治不勝治、靡知統
宗矣、善爲治者、從病之綱、從綱則唯知有脾胃而
已矣、知有脾胃、則條目在彼、綱領在我、而脹者腫
者痞者痰者瘧者痢者、高年百損與產後諸虛者、

皆可勿問矣。何也。脾胃者。化水穀而生元氣者也。元氣生則自能運行其滯而脹者寬。痞者平矣。自能運行其濕而痰者消。腫者退。癰痢亦可止矣。又自能運行其營衛以充養乎形軀。則高年無百損。而產後無諸虛矣。素問曰。知其要者。一言而終。不知其要。流散無窮。不可不深察也。

先哲有言曰。脾胃氣衰諸病。未有若參苓白朮散之多驗。噫。信斯言也。則參苓白朮散亦可謂大補脾藥矣。何不以此治脾胃氣衰諸病。而必用有消導

裴子言醫 卷二

六

二語可醒
從來夢夢

又申言大
補脾丸妙
用

藥之大補脾丸哉曰參苓白朮散者治無邪氣之
脾胃氣衰者也大補脾丸者治有邪氣之脾胃氣
衰者也有邪氣之脾胃氣衰者不足而兼有餘也
故不得不寓攻于補又不得不寓補于攻寓補于
攻則補而不滯雖補亦可借以爲攻寓攻於補則
攻而不峻雖攻又未嘗不因以爲補也二方雖同
其旨而實不同其用若遽執脾胃元氣不足不顧
所夾有餘之邪而唯事補是益有餘而損不足必
致脹者愈脹痞者愈痞痢者愈痢瘡者愈瘡而脾

長世深心
後何以加

胃之元氣亦益以傷。敗不能食。且飲而死。已不但
誤。天下人盡視人參白朮爲煬毒。而不敢用。并誤
學者。將脾胃元氣之肯等之弁髦。而凡遇似有餘
實不足之候。亦寧俟其死。而勿救矣。流弊曷有極
哉。

一宜者。以積勞後。間發往來之熱。寢至形神枯槁。嬾
於動止。水穀日損。不知味。累越月矣。諸醫皆作脾
虛治。而用補中湯。歸脾湯。參苓散。及大補脾丸等
藥。未嘗非也。而究皆罔效。余視之。六脈澀且濡。兩

之半大可
亦

此鐵河車
補脾者幾
人

人特甚曰此固脾虛病也然不直脾虛病也乃腎
虛之脾虛病也治當於兩腎中培化原之本則脾
始充而病斯已矣若徒事於末安效之臻遂屏諸
藥以紫河車一具爲君熟地黄二兩爲臣杜仲山
茱萸破故紙山藥芡實各一兩茯苓益智宿砂青
鹽各八錢爲佐使製每如法卽以河車地黄二味
酒煮搗丸如桐子命名河車補脾丸俾服之不踰
月而形氣飲食俱如初病旋已或叩而問其故曰
無他虛則補其母爾或乃顧余大聲曰子悞矣脾

屬土。火能生土。欲補其母。則當補心。於腎何與。曰。心。但。屬。火。非。即。火。也。火。乃。人。身。之。元。陽。與。坎。水。互。藏。于。兩。腎。脾。土。生。化。之。原。悉。根。于。此。乃。真。母。也。此。予。所。以。不。補。心。而。補。腎。也。夫。既。補。火。而。不。用。桂。附。乾。薑。等。熱。藥。者。獨。何。與。素。問。曰。壯。火。食。氣。少。火。生。氣。桂。附。乾。薑。乃。壯。火。食。氣。之。品。虛。寒。甚。者。則。可。用。今。此。病。未。至。虛。寒。之。甚。故。僅。取。河。車。故。紙。益。智。菜。黃。等。少。火。之。品。以。補。之。爾。夫。既。補。火。而。又。兼。補。水。之。藥。者。獨。何。與。噫。子。但。知。火。能。生。土。而。不。知。水。亦。

天機
之來泄漏

謂至此始
以參子用
方不苟

能○生○土○脾○坤○土○也○爲○離○火○所○生○胃○艮○土○也○又○爲○坎○
水○所○生○子○如○不○信○請○觀○卦○位○坤○土○何○以○若○離○火○之○
次○而○艮○土○又○何○以○居○坎○水○之○次○邪○是○則○人○參○白○木○
乃○補○脾○勝○藥○獨○置○之○勿○用○者○又○何○與○曰○此○方○以○腎○
氣○虛○而○脾○無○所○稟○急○欲○下○達○以○固○腎○而○救○脾○故○不○
但○用○辛○能○潤○腎○之○縮○砂○爲○向○導○而○又○加○鹹○能○下○降○
之○青○鹽○爲○直○入○之○兵○毫○不○敢○雜○他○藏○藥○以○分○其○勢○
遽○加○參○朮○則○參○朮○乃○脾○家○藥○勢○必○顧○戀○乎○中○州○不○
能○無○遲○遲○失○前○之○弊○急○欲○入○腎○以○培○土○而○加○餐○謂○

此所謂也
寔生理也
安哉
者天下
是

將能乎或始爲之雅雅

久病後不可恣投以藥且無論藥之謬卽對病者亦
不可不慎何也人之元氣以胃氣爲本胃氣又以
穀氣爲本久病之人與穀氣久疎則所喜者食物
所惡者藥物理之自然也此際正當以食物投其
所好以養胃氣胃氣旺則元氣亦旺不補之中有
至補者在何用此拂意之物妨碍胃氣邪素問曰
得穀者生失穀者死未嘗曰得藥者生失藥者死
也矧藥之攻疾猶刑罰之除殘食之養生猶德教

之治平也。疾已而猶藥之，不幾於刑罰治乎？同類而用邪。今之醫者，不明此理，每遇病久乍痊，必謂氣血兩虛，還須大補。其藥不外當歸、地黃、枸杞、故紙、山藥、菴蓉、參耆、苓朮等類。不煎則尤恣投，無憚有服之而飲食反減者；有服之而作瀉、作嘔、與腫滿者；甚至膈脹不能食而反生他証者，各為補人而實害人。

病蓋有縱口吻而死者矣，亦有絕其穀而視其死者焉。世都不察幽潛沉寃者衆矣，念及此深為酸鼻。

壽考神油
和山詩
活人要訣
大是苦心

夫飲食養生物也。可節而不可縱。然亦不可使之絕。故節之則生。不節而縱。且絕則死。縱而死。病者之責矣。絕而視其死。伊誰之責邪。如傷寒傷風。傷食等有餘之病。或脹或痛。或嘔或吐。感之暴而脉躁疾有力。且無虛証之兼者。雖不與之食亦可也。此不可與而不與。是節之非絕之也。及久病久虛。久不飲食之人。陡覺穀氣馨香。欲求啖而不敢遽啖。正胃氣將回之候。法當徐投漿粥。或少與適口。不助邪之物。以充胃氣。胃氣充則元氣亦充而病

一汗
滿根在此

滿根在此

自無不愈。若概視飲食爲毒藥而不與，是絕之非節之也。則幾微之胃氣將安恃乎。

一士人年近五十，因勞病暑，身熱煩躁，醫爲傷寒，輒表之，遂汗多不止，氣短神疲，口大渴，脉細疾而無倫，按之甚弱。余曰：寒傷形爲有餘，暑傷氣爲不足。六脉虛疾，若証明矣。急宜先保元氣，用人參二錢，麥冬三錢，五味十粒，煎服。次日脉証俱減，再以前湯合四君子與之。二劑後，進粥，旋許繼而漸倍，亦可謂安穀者昌矣。甫越宿，汗復大出，手足冷至肘。

脉微且數按之如無曰虛極矣汗多亡陽所致耳急煎參耆各五錢桂附朮各二錢日再進脉証仍爾奈何余颯然悟曰藥之取効必賴胃氣之運化胃氣虛雖對証之藥咸歸罔効計必得適口之味以充胃氣參耆自然得力隨詢喜羊肉食否病者疑異不敢諾曰肉者胃之藥也羊肉補氣與參耆同功參耆不能補明是胃虛以肉充之胃氣自強強則運化參耆而淡効矣卽取羊肉酒煮成糜與之食食已煎前藥投之立驗或曰子真好奇

中庸之道

開千古俗人之迷

凡可把陰寒之証者

陰虛無遺

下者因元

心理會考

自引

大病後水穀且不敢輕進。況于羊肉不死幸矣。曰。古人業有人參羊肉湯大培虛損。予乃效之。特分用耳。何奇之有。或默然。陰証俗論必謂房勞又必謂傷寒而不及雜病。且專責男子而不及婦人。小兒殊為可怪。夫陰証即虛寒証。亦即亡陽証也。男女老幼雜病傷寒皆可犯。何見而必謂之房慾邪。如產婦亡血及崩漏過多。又如卒然大吐血不止。與霍亂吐瀉無度。有因汗吐下太過。及為寒涼藥所傷。或暑月恣意追涼。冬

月忍飢勞倦爲寒所中凡此之類皆能令人元氣暴脫忽變爲手足厥冷體疲無氣脉微欲絕與房慾脫陽之証狀無纖毫異而治法總不外人參附子肉桂乾薑救之急則生緩則死同歸一轍矣可岐而二之哉通乎此則陰証未嘗不犯于有慾之人而無慾之人之証亦未可遽謂必不犯此也從未有發敢爾僭及

一人咽喉痛不能飲食時作時止者半歲吹喉藥消痰降火藥草汁藥咸罔効予診得兩寸洪大而虛

尺部沉而無力，兩足喜煖畏寒，口喜冷飲，甫下咽，旋越出，此腎火虛而亢，上下真寒，上假熱也。斷不可用寒冷反治之藥。法當從其性而伏之，隨處六味丸料，加肉桂、附子炒黑，乾薑水煎，入青鹽少許，爲向导，冷而與之。三劑旋愈。或問熱藥冷飲，何以解？曰：上焦是假熱，下焦是真寒。以真熱之藥，冷與之，則下咽之初，暫得冷藥，以自快，漸達下焦，熱性始發，從其窟宅而招之，同氣相求，火下降矣。卽韓氏假對假真對真之義也。亦卽素問寒因熱用熱。

因。寒。用。之。義。也。嗚。呼。甚。有。陰。盛。格。陽。而。爲。面。紅。口。渴。煩。躁。喘。咳。發。狂。之。証。誤。認。有。餘。之。熱。以。寒。涼。之。藥。進。而。斃。者。吾。不。知。其。幾。矣。

六氣之理。如權衡然。既燥則不濕。既濕則不燥。曷有所謂流濕潤燥。並行不悖邪。曰。流濕與潤燥。非兩事。所重只在流濕一邊。蓋燥本乎濕。流濕便可潤燥。非既流其濕。又潤其燥也。如一人瘡久不已。發時必燥。渴恣飲。更嘔噦胸膨而面黃。瘁此濕盛爲原之候也。醫不審。日以補中湯加知母。門冬。烏梅。

花粉等類治之。益劇。余以蒼朮三兩半。夏茯苓澤
瀉厚朴陳皮砂仁黃連各五錢。作丸。俾服。每二錢。
日再進。旬餘而安。噫嘻。服潤劑而渴彌增。服燥藥
而渴反止。其故何也。流濕以潤燥也。凡久瘧之人。
必多黃涎。惡水聚於中宮。中宮濕甚。則生熱。熱甚。
則生燥。所以作渴。而多飲。是燥本于熱。熱本于濕。
流其濕。則熱不生。熱不生。而燥自潤矣。遽用滋潤
之藥。以止渴。適所以助其濕。助其濕。有不愈。助其
燥。平理。善易明。前賢不我欺耳。

藥品如熟附子牛膽製南星瓜蒂人中白牛黃蘇合
香與急用應病丸散等務必平時預蓄以應不時
之需苟爲不蓄而欲蘇死更生於旦夕之間恐軒
岐後起亦不得展其奇矣醫家之蓄藥與國家之
蓄人才其重同爾

煎製藥餌務必得人得法不則雖與証對無効矣嘗
見治藥之家法曰酒漬者水代之法曰炮炙者生
用之或烈火速乾而真液未出或真液沸溢而別
入茶湯又如藥材爛惡銚罍腥污水類不潔與他

物及土塵之雜者尤爲不少。如是而欲勉強圖功。不亦難乎。雖然此僅害之細故耳。甚有仇好之子。嫉妒之徒。潛布挑生之術。而爲禍大不可言者。可不慎乎。可不謹乎。

醫者勿以其人之病輕淺而易視。易視則輕者必變而爲重。甚至不可救者有矣。凡有治療。勿論病之大小。皆須盡心力。以期萬全。無使滋蔓難圖。而違人以天殃也。傳曰。履霜。堅冰至。以言乎漸是謹也。視以爲難。難斯易。忽以爲易。易斯難。能漸是謹者。

雖有非常之臨○可坐而定已○不則勢雖微○曷有極焉○

病到危急時○非峻重之藥○不能救○百中之一二○今之醫者○皆重惜名譽○姑以輕平之劑冀其偶中○幸而不死○則曰是我之功○不幸而死○則曰非我之罪○恐真心救世者○不應如此也○真心救世者○必慨然以死生爲已任○當寒卽寒○當熱卽熱○當補卽補○當攻卽攻○不可逡巡畏縮○而用不寒不熱不補不攻如諺所謂不治病不損命之藥○嗟嗟○旣不治病○欲不

君上不能
其所不能

損命有是理乎。倘于此認不的確，不妨闕疑以待。高明慎勿嘗試，以圖僥倖。庶不負仁者之初心。醫之道極難知，無學者不知，有學者未便知。無才者不知，有才者未便知。有才，有學矣，不克隨時取中者，亦不知甚矣。知醫者之難也。今有一等人，謾說某某知醫，某某不知醫，噫，知醫固難，而知知醫者，恐亦不得容易也。

醫有上工、中工、下工，上工者良工，中工者庸工，下工者謬工。蓋謂庸工之不若良工，謬工之不若庸工。

也以理言之庸工豈止不若良工哉并不若謬工耳謬工之殺人而見其跡者也見其跡則人所易知而易遠其爲天下之害少庸工之殺人而人而不見其跡者也不見其跡則人所易忽而易近其爲天下之害多譬猶暴君爲不善其凶雖速而天下之害不甚深庸君未必能爲大不善而天下之元氣陰受其賊而不知其凶雖緩而爲害於天下不既深乎嗚呼庸君誤天下庸醫誤病人一理也

裴子言醫

卷二

未

醫到病家未診視不可先講病必待望而聞問而切脉証詳明始可斷爲是寒是熱是實是虛病在某經常于某經用藥某日當瘥某日當危庶藥與証對而不踴妄投之弊近有急欲見長者未見病人顏色輒抵掌而談曰某藥可以治某病此必某病也當以某藥治之噫是猶未命題而先作文以待矣鮮有不背聖經而誤人命者

醫者胸中預擬一成見不得離病者不爲白諱詳告諄諄亦未可遽執爲真病情真病本也且待診視

此地位
便難

後參較果否耳。至若侍奉者之傳言延醫者之預
達尤不足憑。蓋學者胸懷空曠了無執着始得應
變無方耳。先哲云凡讀書不可先看註解。且將本
文反覆詳味。待自家有心得。卻以註解參較。庶義
理昭然不爲他說所蔽。若先被其說橫吾胸中。自
家竟無心得矣。吾于醫學亦云。

或問癆瘵痰嗽治以二冬二母款花紫苑之屬。十九
不効者何也。曰癆瘵痰嗽非肺病也。原于先天腎
陰虧敗不能制火。火無所畏亢而刑金。金極則鳴。

所謂藏在
上面治反
在下也

裴子言醫

卷二

七

耳此謂水泛為痰之嗽。非風痰熱痰飲痰涎作
嗽者。此法當峻補腎中真陰。及佐味鹹下降之藥。
徐徐引之。歸元始善。若泥肺病以冀近功。是從來
而遺本矣。然則補陰下降之物。其孰為優。唯童便
一味。為上藥。爾童便味鹹性溫。溫可養元。鹹則歸
腎。速而能引。火下實。人身中之氣血藥也。用治本
元虧損之病。則同氣有情。而易入。較効于偏性之
草根木皮甚遠。褚氏謂服寒涼百不一生。飲洩溺
百不一死。良以此也。雖然。苟非病者。真心怕灰于

加胃氣不
死者大
中脫氣海
二六以作

微病之時，便能節飲食，絕嗜欲，愼起居，息妄想，忘
日怠，年內觀靜養，以佐藥餌之，不迫亦未見其能
治也。

一人年三十餘，積勞而多欲，遂夜熱兼旬，無盜汗，六
脈近數，飲食不減，此癆証之微而未深者也。正與
養血滋陰治法甚相合，藥用生地黃三錢，鱉甲醋
炙二錢，知母常啼柴胡牡丹皮山茱萸各一錢，黃
芩六分，煎服六劑，而熱平，盜灸百勞一穴，膏肓二
穴，以杜其根，更以河車丸與之調理，不百日，形氣

先投大元
氣使飲食
不減氣
不衰也
少

飲食脉候俱如初而愈葛可久曰癆証最為難治
當治于微病之時莫治于已病之後今此病正當
微發之時故能取効于旦夕間耳若忽于微而不
早為之治未有不寢至乾咳聲嘶肌消腸滑食減
臥牀脉來細數而挽之無從者矣患此者不可不
防微而杜漸也

婦頭眩耳鳴肉瞶筋惕恍惚不得寐乍作乍止半
載矣後乃阻經四月小腹如懷子醫者疑其姙而
安之忽一日下紫黑血少許始識經閉改用通經

藥數劑。腹不減。反增惡心。嘔噦。渴飲下咽。旋越出。咽喉焦痛。舌黑無津。衆醫不能解。余診得六脈弦細而滑。兩關尤甚。曰。此煩痰閉滯。血海壅瘀。月事乃阻耳。何以徵之。其脈細而滑者。痰脈也。頭眩耳鳴。恍惚者。痰証也。嘔吐不食者。痰客中焦也。舌黑無津。咽喉焦痛者。痰生熱而然也。素問謂治病必求其本。今病本於痰。必以治痰爲首務。遂投礞石滾痰丸。八十九不動。再投七十九。小腹痛。微痛。次日又服如數。小腹痛不可忍。將夜半下如猪肝者四。

五塊每幾盈尺更下如破絮脂膜者無計又累累若石榴子紅白攢綴連絡而下者不啻二三斗小腹頓平痛亦如失其最異吐痰碗許俱如綠草汁色口角流涎忽變如琴絃之堅因憶丹溪先生謂怪病是痰十居八九良然良然時胸次未平飲食少進用橘紅茯苓各一錢枳實黃連半夏麴各八分水煎入薑汁二匙竹瀝半酒杯二劑後以六君子湯加減更服加味潤下丸調理百踰日乃愈逾年生一子

亦有先攻後補者是

有病傷寒傳裏熱結不通者已屢經下而腹中按之則仍絀臍堅結若仰瓦然且其人伏枕不起又累旬肌肉盡燥湯飲幾廢甚至氣怯不足以佈息當此之際攻補不能施其巧計將安出曰論營法在所必攻不攻則腸胃無絛清水穀無絛進元氣無絛復而人得以生若遽攻則此立稿之形垂絕之氣能堪之乎計必先行補法而後察邪正之緩急輕重以攻之攻後旋復從補補後旋復從攻而又旋復從補則庶幾耳但補與攻皆當以漸而毋驟

日小劑曰
半小劑曰
少劑何等
與重非深
得神景心
若此光瑛
光

其始也。且以小劑生脉散。加陳皮煎飲。半小劑。飲後移時。無反覆。復少與。繼則或可漸倍。并商攻法也。如腹中鬱熱未清。渴欲冷飲。遂常啖以橘藕瓜梨之屬。潤其喉。啖飲食久疎。胃必弱甚。又當間與焦米湯。大棗湯。或扁豆筍蕨菜蕪。豈怡糖等湯。隨所好。以蘇胃氣。凡此皆余平時所謂適口不助邪之物。佐藥餌。以不及者也。皆補法也。補既得。方可議攻。攻則唯玄明粉一味為佳。生何首烏煎服亦佳。蜜導膽導尤為良法。不應須詳脉之虛實氣之

盛衰邪之深淺。以導滯。凡或小承氣。加當歸。微下之。下後。仍須。照管。元氣。非徑前而勿顧。其有虛虛也。倘其候果可授餐。亦勿得驟之以濃厚。先以焦米煎汁飲之。次煮熟梨。熟棗。熟萊。服等少。與之。無忤。始可徐投。漿粥。與他物耳。須知此証。腹中攻不克盡。與傍流者。恒多。唯期脉靜。身涼。口不渴。便可圖進水穀。慎勿過攻。俟其水穀融液。腸胃充盈。不攻亦可。自去。若必欲去盡。而後與之食。不將速其死乎。雖然。此皆陽証之攻補法也。亦有元氣內損。

陽証變陰
者甚衆庸
醫不識此
理每以誤
人良可嘆
也

三十一

卷二

三

之病治療失宜損中復損內雖熱結外則手足未
冷而鼻先寒六脉沉遲或虛疾無倫次則又是陽
証變陰之候急當以桂附參薑酌微甚而溫補之
又不可與瓜粲橘藕承氣玄明粉同日而語治者
矣智者於此不可不熟審而通其變噫嘻豈特傷
寒爲然哉凡雜病日久鮮有不犯此証者余於治
按中每詳言之矣
一婦年五十許傷寒旬越不得汗其家欲取其汗肩
戶寒肅垂幕多衾以劫之病者煩躁悶亂譫妄欲

狂急延余治甫入臥室便熱穢薰蒸不可近速令
開牕啓幕揭去所覆者大半病者始揚手伸吟有
喜涼畏熱狀微其面則赤舌則焦燥有胎詢喜冷
水飲否病者不能言唯領之遂與新汲水一大碗
飲盡不食頃輒戰慄須臾通身大汗而解或問辛
溫發散藥服十餘劑不能取汗消滴飲以水汗反
大出其故何也曰是卽水火既濟之義也譬火燃
釜枯以水沃之氣液沸騰必然之理又何疑焉衆
皆憮然自失

無病服藥之流弊久矣。而今爲甚。此皆執前人服藥于未病與上工治未病之說而謬焉者也。不知服藥於未病者卽致治于未亂。保邦于未危也。善致治者尊賢使能。振綱肅紀。則政修民和。苞桑萬世在茲矣。若無故興師。則内生反側。外兆邊塵。不反自貽伊戚哉。然則保國保身無二理。用藥用兵無二術。善衛生者能於平時節飲食。慎起居。少嗜欲。寡榮慮。使五官安職。百體清和。將遊華胥而躋喬松矣。苟思患預防。審醫可也。問藥性可也。讀岐黃

陰陽
虛實
論

善可也。若以草木偏攻，則寒者戕賊，脾元熱者煎
熬，血脈是猶小人陰柔與順，似乎有德，而國家元
氣鮮不爲之潛移者。古人謂壁中用柱，壁中添鼠，
不可不深長思也。至若不治已病，治未病，則又是
有說。如肝邪旺，恐傳變于脾，當先瀉肝以平之心。
邪旺恐傳變於肺，當先瀉心以平之之類，是也是。
則治未病者，治病之未傳也。非治人之未病也。服
藥於未病者，謂攝於未病也。非未病而先服藥也。
二說各有所指，皆非無病服藥之謂也。夫何貪生

者。假爲棲真玄牝之丹。縱慾者。泥爲嬰兒姤女之術。岐黃帶戒。視若弁髦。伐性斧斤。恬如衽席。是以病端呈現。種種乖謬。帶固根深。卒難期効。而猶咎刀圭無補。毋乃愚乎。

本草謂上品藥爲君。主養命。中品藥爲臣。主養性。下品藥爲佐使。主治病者。特言其性之剛柔耳。非內經君臣佐使之旨也。王節齋曰。主治者爲君。輔治者爲臣。與君相反而相助者爲佐。引諸藥達于病所者爲使。如治寒以熱。則熱藥君也。凡溫熱之藥。

皆輔君者也。臣也。然恐熱之太過也。少加涼藥爲
監制。使不致有偏熱之虞者。佐也。至臟腑經絡受
病之處。又須各加引導之藥。而使之入。此則所謂
使也。若遵本草之說明。發表之麻黃。攻裏之大黃。
獨不可以爲君邪。且性與命亦豈藥力之所能及
邪。

王節齋曰。畏畏其制我。不得自縱。惡惡其異我。不能
自如。此二者不深害。蓋彼既畏我。我必惡之。我既
惡彼。彼亦畏我。我雖惡彼。彼無忿心。彼雖畏我。我

能制彼如牛黃惡龍骨而龍骨得牛黃更良黃者
畏防風而黃耆得防風其功愈大之類是也至相
反則兩仇不共共必爲害然大毒之病又須大毒
之藥以劫之甘草芫花相反藥也而蓮心飲以之
治癆瘵黎蘆細辛相反藥也而二陳湯以之吐風
痰又四物湯加入參五靈脂以消血塊感應丸以
巴豆牽牛同劑爲攻堅破積之需相反之中亦有
相成之妙此古人達至理于規矩準繩之外故用
之反以爲神非好奇之私而以人命爲僥倖也

一高年糾患怔忡不得臥且兼憎雜惡心不知味三
証其脉數而滑右關特甚此濕痰凝碍中州使然
是胃病非心病也衆醫不識咸謂心血不足而用
當歸地黃人參五味遠志門冬酸棗仁之類治之
反致目眩頭旋見粒嘔余以半夏四錢爲君蒼
朮茯苓砂仁黃連橘紅澤瀉各八分爲佐使二劑
而安繼以此方加白朮人參竹瀝姜汁作丸與之
服淡旬全愈或曰怔忡一証獨無心血不足者乎
曰心血不足之怔忡絕不有憎雜惡心不知味等

証兼之者。今有之。信非其爲心病矣。然則其不得臥者何病耶。曰。素問謂胃不和則臥不安。亦胃病也。

驚悸恍惚恐怖及怔忡不得臥諸証同出而異名者。也不可疑其証之異而治亦與之俱異也。一商年近五旬。諸証咸集。而于怔忡則尤甚。遠近名家大半以爲心血不足。餘則有謂膽氣弱者。有謂心腎不交者。又有謂痰客咽喉以致神舍不清者。其所用之藥。則皆不外當歸地黃人參五味黃連麥冬。

自得確

秋清用和
自然能安
第全

菖蒲遠志天麻膽星茯神酸棗以及琥珀牛黃丹
砂龍齒之屬遂巡數年日以增劇甚至煩躁靡寧
不餐不寢者踰月余診之脉來數且洪而右關益
以滑此胃中有火有痰之明驗也先投小胃丹五
十九胸中便有旋轉勢而神情亦稍安即以鐵銹
水一碗煎半夏五錢橘紅茯苓枳實黃連人參白
豆仁各一錢服之遂得安枕通宵并索食焉繼製
礞石滾痰丸日服三十餘顆未兼旬而大便續去
痰積無計頓使病者氣清神爽百苦盡脫快不可

言後以艾火灼其腰之中脘巨關以絕生痰生火之源更以大補脾丸倍加參朮以保胃中元氣証雖有異而治未嘗有以異也但此病由于七情抑鬱心志不克舒伸而得終非醫藥所能療必也中懷坦若不以既往之得失與廢戀其心庶不更作商亦頗是有見家事悉付妻兒新置一婢遣之出嫁日同二三知己飲酒豪遊忘年忘日逍遙于世外之天三十年來不唯病不更作抑身年雖壽而不衰

晉一犯腰痛者衆以爲腎虛而用杜仲山茱當歸續
 斷故紙地黃之類久而彌甚乃就質于余余細察
 之則知其病在胃中耳何也其飲食減少時發惡
 心嘔吐者非胃中有濕有痰之候乎且其痛臥重
 而行輕每臥欲起則腰膝重墜不能轉側必將此
 身徐徐擺動始克強起而行迫行則又漸覺舒和
 矣此蓋濕痰之乘氣靜而陷于腰膝之間故作痛
 乘氣動而流散于腰膝之外乃得舒和耳若果腎
 虛則臥而逸痛必當輕行而勞痛必當重抑何是

之反歟。初與小胃丹五十粒，連下宿水四五行，繼以二陳湯去甘草，加蒼朮、澤瀉、砂仁三劑，痛勢頓減。隨與蒼朮爲君之大補脾丸服，未旬餘，痛卽如失。

余臨症施治，必用自家主意，不敢遽因病人之所告，與傍人之所傳爲實據。蓋病自有真，非傍人所能知，并非病人可得言其詳也。余隣人一少年，偶肆婬于妓者家，歸來自以爲損也，乃饕餮厚味以補之。次日卽發熱頭疼，畏寒不得汗。余視之，病者全

有至意

古稱老醫
非老年乃
老到耳

不以自諱實告于余欲余作陰証治不意診其脉
浮數而不虛且語言動止皆壯厲而有力並不見
有所損之候是雖犯姦實陽証也酌與羌活冲和
湯一劑病者自負知醫疑而勿服更一醫年已老
而亦頗有名可無誤矣乃漫不加察輒從病者之
所告以參薏桂附等藥誤投之曾未之夕即躁擾
狂越遍體紅斑九竅流血而卒至于死一農家子
年甚壯又形偉而氣強忽患身熱病遣其兄延余
治余未往先囑之曰我弟無他病只連日醉飽更

大嚼羊肉麪食與新米飯耳須得大消導藥乃可
療余竊謂知弟莫若兄且傷食又農家嘗習言雖
未確或亦近之及往視則大不然六脉洪數而虛
極頭不疼腹不悶言語輕微而更懶于動止此內
傷元氣之虛熱非有餘病也連進補中益氣湯十
餘劑參耆加至四五錢兼以肉食等味而調補之
月踰始愈嗚呼信兄言也則爲弟者必含枉而歸
泉矣卽此推之而謂傍人之言可據乎病者之言
可據乎

酒之爲人利也。禦霧疎風。祛寒敵暑。快氣舒脾。聚歡消悶。其爲害也。腐腸爛胃。潰髓蒸筋。傷神損壽。積事招尤。利則當歸功于酒。害則當歸過于人世之蒙害于酒者。未有不歸過于酒。嗚呼。酒固未嘗害人人。自害于酒耳。胡勿思之甚也。民非水火不生。活何嘗有害于人。然亦不能無蹈水火而死者。遂歸過于水火可乎。

世皆以飲量過人者。稱爲善飲。酒噫。善之一字。豈僅飲之過人者。遂足當其稱乎。非也。謂善得酒中之

此可療病
使可療病
不可遇
還升兒上
樂而與方
也

味而飲之。不失其宜也。或值花朝。或當月夕。或遇
天寒。或爲雨悶。或撫今追昔。或卽景興懷。或肢體
怠和。或神思冷淡。或與故人聚首。或與知己談心。
或與韻士高人。論詩論文。論世外事。隨境之可借。
酒娛情。于此而能多飲者。固謂之善飲。酒不能多。
飲者。亦謂之善飲。酒卽涓滴不飲。而酒致酒情。不
多讓于過人之量者。亦未嘗不謂之善飲。酒也。若
遮以無節。無厭。日日沉酣之輩。而稱之曰善飲。酒。
竊恐未嘗酒後。偶及取請政之善飲酒者。

可見酒之
不沉面

張本斯五湖漫聞有云余于都太僕坐中見一張翁
年一百十三歲普福寺見王瀛洲年一百三十歲
毛閒翁一百三歲楊南峰八十九歲沈石田八十
四歲吳白樓八十五歲毛嘯菴八十二歲俱精敏
不衰升降如儀問其願養皆不飲酒卽如文衡山
施東岡葉如巖動靜皆與壯年不異亦是俱不飲
酒者

推蓬竊語云人生類以眠臥爲晏息飲食爲願養不
知眠臥最不可嗜飲食最不可多飲食過多則陽

氣抑塞嗜臥過多。則神氣暗消。將以養生。適以殘生。君子夙興夜寐。嘗使清明在躬。淡味少食。嘗使中懷舒泰。

素問有所謂用寒遠寒。用熱遠熱之說者。論無病之嘗也。所謂不遠寒。不遠熱之說者。論無病之變也。今之人。但知其嘗。不知其變。時當夏令。不論有病無病。槩不敢用桂附乾姜。以犯司氣之熱。時當冬令。亦不論有病無病。槩不敢用石膏芩連。以犯司氣之寒。竟不思天令雖熱。而受病在寒。卽桂附乾

合時從証
自然之理

東垣先生
有知已矣

姜亦所勿忌。易得因其天令之熱而遠之。天令雖寒而愛病在熱。卽石膏苓連亦所勿忌。易得因其天令之寒而遠之。須知寒熱之藥乃治寒熱之病在人身者耳。非治天之寒熱也。

滋陰養血之藥。予固未嘗廢也。世俗則謂我廢而不用。不既寃乎。唯是世之季也。虧敗脾元者十人而九。故不敢濫用濕潤之藥。以戕旣敗之脾元耳。豈乘廢而不用哉。試舉一二最明白最顯現者以例之。則世之謂我廢而不用者。自迎刃而解矣。如產

總之脾虛
不能攝血
歸元不可
仍作血病
治

後諸病。夫人而知其爲陰血虛也。倘其人兼有胸
腹不利。飲食少餐。或惡心。或嘔吐。或作瀉。作脹。而
爲產後之脾胃病者。豈可擬以血藥投之乎。虛癆
諸証。亦夫人而知其爲陰血虛也。倘其人兼有胸
腹不利。飲食少餐。或惡心。或嘔吐。或作瀉。作脹。而
爲虛癆之脾胃病者。豈可擬以血藥投之乎。腸風
下血。血藥亦所必需也。而或兼有脾胃諸証者。豈
可便以血藥止之。而不思更有所以治之乎。崩漏
下血。血藥亦所必需也。而或兼有脾胃諸証者。豈

可便以血藥止之而不思更有所以治之乎。世間類是者甚衆，故予不敢妄用血藥以誤人，非真廢而不用也。

或問補中益氣湯，凡爲虛証者，服之無不驗，唯施于癆瘵骨蒸之人，病必增劇，果何謂哉？曰：此方乃東垣先生爲內傷勞倦而生虛熱者設也。夫內傷勞倦而生虛熱者，陽氣虛也。參耆甘草專補陽氣之虛，故用之無不驗也。佐以升麻柴胡者，因其氣之下陷也。所謂治氣者，主陽而升也。至若癆瘵骨蒸

陰虛陽虛
相火有別
里可合貴
者不可不
亟請于斯

之人是陰血虛也。陰血虛者，法當用地黃、當歸、玄
參、知母、鱉甲、門冬、沙參、牡丹、皮銀柴胡，以及秋石
童便之類，補其陰而降下之也。所謂治血者，主陰
而降也。遽用溫補升提之藥，是助陽矣。助陽則耗
陰血矣。病有不致增劇者，幾希。

昔南人有言曰：人而無恒，不可以作巫醫。朱子竟認
巫醫爲兩事。一註以交鬼神，一註以寄死生。岐而
二之，恐爲未當。夫醫之道，始于神農，闡于黃帝，著
有素問、內經，以救民疾苦，所謂墳典之書，至尊至

可增入諸
說

貴莫之與竝。豈可與巫覡之徒同日而語哉。但醫
有不同名稱。亦是有別。精于醫者曰明醫。善于醫
者曰良醫。壽君保相者曰國醫。粗工褊淺學未精
深者曰庸醫。但有時運造化者曰時醫。至若擊鼓
舞趨祈禳疾病。不以醫藥爲事者。則謂之巫醫耳。
世之稱爲端公太保。夜行卜士。北方稱爲師婆。皆
此也。正南人謂之巫醫也。蓋謂一切虛誕之輩。亦
是不可無恒也。

舊統云。世之行醫者。有一要訣。不必博羣書。明道理。

時流行世
庸官無遺
不知畏了
小語此實

愚下

卷二

二

三

只須畧讀難經脉訣抄些經驗成方此外唯整修
醫具周匝世情奔走豪門結歡僕隸廣賂巫卜遍
囑姑婆能如是則到處彰名彰譽謂有不行者天
下鮮矣又須老着面皮不顧慚恥口口異人傳授
言言接命神丹談及富家巨室不親是親不族是
族不相知是至相知肆大其誇駭他碌碌庸庸之
輩自然假可作真耳可當日偶而僥効竟冒其功
設也誤傷委命無怨矣縱有識者洞見肺肝亦只
任他笑議錢財我自得之耳何必孜孜爲學徒自

勞苦哉嗚呼醫日流于弊也至此矣無怪乎有道者之鄙賤矣欲求得一真醫亦已難矣

近有一等行醫者偶得一方一藥輒滿顏矜色抵掌
倣笑而言曰我藥能救人之命噫命果何物而可
醫藥救之也哉卽古昔大聖至神靈至慈愛亦不
過能以藥治人之病未聞有救人之命者今且無
論不能救人之命卽欲求其能治人之病者亦不
多見矣予雖不敏誦讀于斯者有年博採于斯者
有年忘食廢寢默契神叅以至歷危際險者又有

年亦僅知探虛實測淺深權緩急能治人之病還其不死而已豈遂因以爲功而曰我藥能救人之命哉從未之敢也

宋張子綱神醫也居鄭州刑部尙書慕容彥逢爲母夫人病召子綱於鄭至則死矣時方暑月將就木子綱欲入視彥逢不忍意其欲求錢乃曰道路之費當悉奉償實不煩視子綱曰傷寒法有死一晝夜而復生者何惜一視彥逢不得已延入子綱揭帛注視呼件匠語之曰曾見夏月死者面色赤乎

老到一至
于此

卷一至
此

曰無然則汗不出而屢爾不死也幸無亟飲趨出
取藥命急煮灌之戒曰善守至夜半大瀉則活矣
子綱舍於外館至夜半忽聞病者腹中勃勃聲遺
穢物斗許而甦舉家驚喜遽叩呼子綱子綱曰吾
體倦莫能起然亦不必起明日方可進藥也遲明
徑命駕歸鄭彥逢請其室但留平胃散一貼而已
其母服之數日良愈蓋子綱以彥逢有求錢之疑
故不告而去後紹興王和叔遇子綱問之曰公之
術古所謂十全者幾是歟曰未也僅能七八爾吾

長子病診脉審証察色皆爲熱命煮承氣湯將飲
後疑以至再四勢必飲矣一似有掣吾肘者姑持
杯以待兒忽發顫悸覆綿衾至四五始稍定汗出
如洗明日愈使吾藥入口則死矣安得謂之十全
哉嗚呼子綱往矣予且未暇高其才高其識獨是
品槩絕倫大可畏服千秋而下願爲執鞭因誌之
以自勵

齊梁之人與黎莊之人處境固是不同而形骸亦大
有別凡有治療斷不可同病而拘一例而藥也如

皆外感病也。而膏粱之人不可太發散。皆停滯病也。而膏粱之人不可太消導。皆有火有熱病也。而膏粱之人不可太寒涼。一或過當。則元氣必致有傷。虛証立見。多死少生矣。正猶柔脆之物不克勝任風霜故也。

世間有一種太陽之人。有一種太陰之人。太陽之人雖當冬。會身不須綿口。嘗飲水色慾無度。大便數日一行。苓連知柏大黃芒硝。恬不知怪。太陰之人雖在暑月。不離襁衣。食飲稍涼。便覺腹痛泄瀉。參

術蓋桂時不絕口。一有慾事則呻吟不已。此兩等
人各稟陰陽之一偏者也。與之談醫各執其性之
一偏而目爲全體。嘗試而毀爲之。雖與之言必不
見信。其爲誤也可勝道哉。

趙養葵曰。冬至一陽生。夏至一陰生。此二至最爲緊
要。至者極也。陰極生陽。絕處逢生。自無而有。陽極
生陰。從有而無。陽變陰化之不同也。若春分秋分
不過從其中平分之耳。然其尤重者。獨在冬至。易
曰。先生以至日閉關閉關二字。須看得廣。月令云。

是月齋戒掩身以待陰陽之所定則不止關帝之門矣。

又曰冬至一陽生當漸溫暖何爲臘月大寒冰雪反盛夏至一陰生當漸清涼何爲三伏溽暑酷熱反熾曰此將來者進成功者退隱微之際未易以明也蓋陽復于下逼陰于上井水蒸而堅冰至也陰盛于下逼陽于上井水寒而雷電合也凡病面紅口渴煩燥喘咳者誰不知是火盛之極抑亦自有腎中陰寒所逼而然者豈可槩用寒涼之藥害人

生命乎

何栢齋先生曰。劉河間論三消之證。皆由濕寒之陰氣極衰。燥熱之陽氣太盛所致。玉機微義深取其說。且謂治此疾者。補腎水陰寒之虛。瀉心火陽熱之實。則病自已。復斥世論以煖藥補腎之誤。不知世論大是有理。特詞不足以發之耳。蓋腎主元陽。元陽之火盛。則能升腎藏之水。使津液上行。以制心火。而爲既濟。元陽之火衰。則腎藏之水不升。水之入于腸胃者。皆從其降下之性。而不升散。故心

火無制熾盛而作渴此蓋水火未濟而未可遽謂
濕寒之陰氣極衰也若謂補其腎水陰寒之虛便
可止渴則水固陰寒之物也渴者飲水不絕何以
不能補其陰寒之虛而止其渴耶其論之非明矣
世論用煖藥補腎使腎水上升以制心火不爲無
見但消渴之証必燥熱之陽氣有所鬱結而成若
不求而去之輒用煖藥補腎則藥病扞格煖藥未
得收補腎之功而先有助邪之害則消渴愈甚又
不可不慮也法當用涼藥食後服之以清其上更

用煖藥空心服之以培其下權其輕重緩急而施治之庶無偏弊耳。世傳有渴病誤飲綠絲湯而止者。蓋綠絲湯所煮者蚕蛭也。蚕性極熱煮而爲湯。澄冷而飲之則熱性歸下而不扞格故能升腎水以制心火而止其渴。所謂熱因寒用者也。世人雖知有此治而未能明其肯茲故及之。

朱丹谿先生曰。西北之地多風寒故患外感者居多。東南之地木平濕故患濕熱者恒衆。蓋北方高阜天不足西北而多風。東南卑下地不滿東南而多。

濕方土之候。各有不齊。所生之病。多隨土著。醫者
必須因時處治。隨地判宜。治北人之病。宜以攻伐。
外邪爲多。治南方之疾。宜以保養。內氣爲本。何也。
西北氣厚。飲食倍常。居室儉素。元氣不戕。一有疾
病。輒用疎利。其病如脫。若夫東南。體盾柔脆。腠理
不密。飲食色慾。與西北迥別。槩用疎利。不几于操
刃殺人耶。雖然。西北固厚。安能人人皆實。南方雖
薄。安得人人皆虛。必觀其人。因証而藥。斯無一偏
之弊耳。

王節齋先生曰。或問。今人有言。東垣之法。宜用于北。丹溪之法。可行于南。如何。曰。東垣。北醫也。羅謙甫。傳其法。以聞于江浙。丹谿。南醫也。劉宗厚。世其學。以鳴于陝西。果如其言。則本草內經。皆神農黃帝岐伯之說。亦止宜施于北方耶。夫五方所生異病。及治之異宜。內經異法。方宜五常。政大論已詳言之矣。又如北方多寒。南方多熱。江閩多濕。嶺粵多瘴。謂其得此氣多。故亦多生此病。非謂北病無熱。南疾無寒也。至于治寒以熱。治熱以寒。則五方皆

同豈有南北之異耶

又曰或問人言東南氣熱可服寒藥西北氣寒須服
溫藥然今東南之俗胡椒薑桂人常食之不見生
病而北京士大夫畏食胡椒辛熱之物何也曰東
南雖熱然地卑多濕辛熱食藥亦能劫濕西北雖
寒然地高多燥辛熱食藥卻能助燥故耳川藥者
宜識此意